

## Las quatre sasons

Nautres beurem de vin, sèr e matin,  
Banirem lo chagrin.  
D'aquel bon pan ne tremparem la sopa,  
D'aquel bon vin rebeurèm quauquas gotas  
Ara vos vau contar  
Las quatre sasons  
Per vos amuser :

L'ivern s'es en anat  
S'es en anat lo cal pas regretar.  
Als tròsses de nèu dessus la montanha  
Fai ben freg dins la bassa campanha,  
Nautres beurèm de vin, sèr e matin,  
banharem lo chagrin.

Aici lo bèl printemps  
Que nos rejoís, nos rend totes contents.  
Los aucèls que fan son ramatge  
E sustot lo rossinhòl sauvatge  
Que canta nuèch e jorn  
E nos rejoís de son bèl discor

L'estiu mancarà pas de nos portar  
Una quantitat de blat,  
E de fruchas de totes las menas,

De prunas, de pomas, de peras, de cerièras  
D'abricòts, de melons  
E d'ametlons de totes faïçons.

L'auton es arribat, es arribat  
Per nos abeurar  
lèu vèni culhir lo rasim dins las trelhas  
D'aquel bon jús remplirem las botelhas.

Nautres, beurem de vin,  
Sèr e matin,  
Banirèm lo chagrin.

Tradicional.